

26. august 2014

UKA 2014/26

Inatsisartut Suleriaasianni § 36 innersuussutigalugu apeqquaqaat allaavigalugu Inatsisartuni oqallisissiamik siunnersuut imaattoq saqqummiuppara:

Nunatsinni sanaartornermut aningaasartuutit sukut sipaaruteqarfiusinnaaneri qanorlu ililluni sanaartorneq ukioq kaajallallugu, immaqa pilersaarusiortarneq, ingerlanneqalersinnaanersoq apeqquaqaat allaavigalugu oqallinnissamik siunnersuut. (Inatsisartunut ilaasortaq Saxtorph Didriksen, Siumut)

Tunngavilersuut:

Nunatsinni ukiuni amerlasuuni sanaartornermik kipisaqattaartumik ingerlatsineq suminguna peqquteqartoq? Sanaartornermik suliaqartut ukioq kaajallallugu suliaasaqarsinnaanissaat siunertaralugu periarfissaqarpa sanaartugassat pilersaarusiussallugit?

Kalaallit Nunaata, Amerikkap avannaata Island-illu akorananni inissimanera sanaartornermi atortussanik akikinnerusunik pissarsisinnaanissamat atorluarsinnaavarput? Aammalu saanaartoriaatsinik sanaartornermilu atortussanik issittumut naleqqunnerusunik pissarsisinnaavugut, ullumikkut atortakkatsinniit naleqqunnerusunik?

Sanaartornermik aalajangersakkat nutaamik eqqarsarnikkut allannguivigineqarsinnaaneri eqqarsaatiginagit sanaartorneq ingerlatiinnarparput?

Sanaartornerup iluani aningaasaliissutaasartut eqqarsaatigalugit Aningaasanut Inatsisip ukiakkut akuersissutigineqartarnera ukiup qanoq ilinerani sanaartornerit ingerlanneqartarnerinut aalajangiisuusarnerisooq paasissallugu assut soqutiginaasaq.

Sanaartugassat qaqugukkut aallartinneqartarneri eqqarsaatigalugit pisortaniit sanaartugassanut akiliisarnerup qaqugukkut pisarnera aalajangiisooqataasarnerisooq aamma paasissallugu soqutiginaasaq.

Sanaartornermi attuumassutilinnut assigiinngitsorpassuarnut ukioq kaajallugu suliaasaqarsinnaaneq orniginarnerunnginnerisooq apeqquaqaat qaqillugu pilersaarusiortarneq oqallisiginissaa piffissanngorsoraara.

Nunarput siunissami naalagaaffinngornissaa eqqarsaatigalugu pikkoriffigineruseriaqarparput sanaartornermik pilersaaruserisooq, ukioq kaajallallugu suliffissaqartitsinissarput siunertaralugu. Sanaartornermik uneqattaartumik ingerlatsinerput qimattariaqalerparput, nunatta aningaasaqarnera ukiorlu kaajallallugu suliffissaqartitsinissaa eqqarsaatigalugit, uneqattaartumimmi ingerlatsineq naammaginngilaq.

Sanaartornermi atortussanik assartuinissamik periarfissat killeqarpallaaqaat. Atortussanik assartuinitsinni Aalborg-imuinnaq samminata aamma nunanut allanut, Canadamut, USA-mut Island-imullu qiviartariaqalerpugut. Nunani taakkunai sanaartugassanut atortussatsinnik pisiortornerusinnaagaluarpugut.

Taamatut oqaaseqarlunga pissarsiaqarfiulluarmik oqallinnissarput neriuutigaara.